

# Sawas en apwalih ngih ohng tohn COFA nan Oregon



**Tohn COFA me sohte arail sawas en apwalih ngih sang Pilahn en Roson Mwahu en Oregon (OHP) kakeh ale ehu sawas me sohte isepe.**

- Ohng tohn COFA koaros me kak iang ale, sawas en apwalih ngih pahn tep January 1, 2023.
- Kileledi ni [ONE.Oregon.gov](https://www.oregon.gov) tepda November 1, 2022.

Tepda ni January 1, 2023, mah kowe emen tohn COFA, oh ke sohte kin iang ale sawas en apwalih ngih sang OHP Plus (imwen wini, madmadau, oh roson mwahu en ngih), ke kak iang ale sawas en apwalih ngih sang an OHP sawas kapw ohng COFA Pirokiram en Apwalih Ngih.

Komw kak iang kileledi ohng pirokiram wet tepid November 1, 2022.

## **Soangen epwelda me ke kak ale sang COFA Pirokiram en Apwalih Ngih?**

COFA Pirokiram en Apwalih Ngih duwete sawas en apwalih ngih en OHP Plus, me duwehte:

- Kamwakele ngih
- Pasapas en ngih
- Anahn karuwaru ohng apwalih ngih
- Apwalih ngih ohng medek en ewe

Ih ekei sawas en ngih me tohn COFA Pirokiram en Apwalih Ngih kak ale. [Esehla ekei kamwahupen OHP sawas en ngih](#)

Sawas wet sohte isepe. Ke sohte anahne pwain sawas en apwalih ngih me mih pahn epwelpan COFA Pirokiram en Apwalih Ngih.

## **Ia mwomwen tohn COFA Pirokiram en Apwalih Ngih kak alehdi sawas en apwalih ngih?**

Mah ke aleier mweimwei ohng COFA Pirokiram en Apwalih Ngih, toweh kan pahn iangalahr Coordinated Care Organization (CCO) nan erein wiik 1-2. CCO pahn sewese tohn pwihn ale sawas en apwalih ngih. [Esehla dahkot CCOs.](#)

Mah tohn pwihn anahne sawas en apwalih ngih mwohn arail kileledi en CCO pahn tepde, re anahne eker KEPRO, ale sawas sang ners en OHP, ni 1-800-562-4620. [Kilang neirail irekidi en soun sawas wasah.](#)

## Isime kak iang apilai ohng COFA Pirokiram en Apwalih Ngih?

Mah kowe emen tohn COFA me:

- Koukousoan nan Oregon; oh
  - Sohte iang ale sawas en roson mwahu sang Pilahn en Roson Mwahu en Oregon (OHP)
- Eri ke anahne apilai ohng COFA Pirokiram en Apwalih Ngih.

Mie koasoandi en COFA Pirokiram en Apwalih Ngih ohng isime kak iang, oh koasoandi pwukat kak apwal en esehla. Mie pil anahnepen wen peidehi. Ihte me keiuhn mwahu pwe ken esehla mah ke kak iang COFA Pirokiram en Apwalih Ngih iei iang apilai.

Pwehn apilai ohng COFA Pirokiram en Apwalih Ngih, ke anahne apilai ohng OHP. Komw pahn petehkda mahs ohng kamwahu koaros ohng OHP Plus.

## Ia mwomwen apilai ohng COFA Pirokiram en Apwalih Ngih

Doaropwehn apilai ohng COFA Pirokiram en Apwalih Ngih sohte isepe. Ohng apilai, ke kak:

### Apilai nan Internet:

- Kohla [ONE.Oregon.gov](https://www.oregon.gov) ohng pidelong de wiahda noumw mehn pidelong.
- Audehda ehu apilikeisin ohng Pilahn en Roson Mwahu en Oregon.
- Apilikeisin wet mih ni lokaiahn Wai oh Sipein.

### Doaropwehn apilikeisin:

Ke kak ale doaropwehn apilikeisin ni lokaiahn Wai oh soahngen loakaiah kan mah ke kohla nan Internet ni [OHP.Oregon.gov/Apply](https://www.oregon.gov/Apply)

- Kihdi oh pirindhda ehu doaropwehn apilikeisin ni [Lokaiahn Wai](#), [Lokaiahn Palau](#), [Lokaiahn Pohnpei](#), de [Lokaiahn Kosrea](#)
- Eker Wasahn Sahpis en OHP ni **1-800-699-9075** pwe ehu doaropwehn apilikeisin en pekeder ohng komwi.

## **Pein kohla:**

Ke kak ale sawas ohng apilai nan Internet de doaropwehn apilikeisin rehn pwihn en OHP nan ahmw kousoan ni [bit.ly/ohplocalhelp](http://bit.ly/ohplocalhelp). Indahng irail me ke men apilai ohng COFA Pirokiram en Apwalih Ngih.

## **Anahne sawas?**

Ohng kalelapak en pirokiram de tehk mwomwen apilikeisin, ke kak eker Wasahn Sahpis en OHP ni **1-800-699-9075**.

## **KALELAPAK OH PASAPENG KAN**

### **Isime wia tohn COFA?**

Tohn COFA kohsang:

- Kahndeke Kapatapat en Micronesia,
- Republic en Dekehrn Mwahsel, oh
- Republic en Palau.

Tohn COFA ahniki manaman en seiloak, doadoahk, oh kousoan nan Amerika sang ni inou en Compact en Free Association (COFA) ohng kopworemen en U.S.

### **Dahme apilikeisin inda me i melahn apilai ohng Pilahn en Roson Mwahu en Oregon ah kaidehn COFA Pirokiram en Apwalih Ngih?**

COFA Pirokiram en Apwalih Ngih kohsang Pilahn En Roson Mwahu en Oregon.

### **I anahne pwain pwe ien iang kileledi?**

Soh, ke sohte anahne pwain mehkot pwe ken iang apilai ohng COFA Pirokiram en Apwalih Ngih.

### **I kak apilai ohng COFA Pirokiram en Apwalih Ngih ohng ahi nohno pahpa de nohno pahpa kahlap?**

Menlau lokaiahng Wasahn Sahpis en OHP de emen Pwihn en OHP nan wasahn kousoan.

### **Ama isohte alahlda ohng COFA Pirokiram en Apwalih Ngih?**

Miete ekei pirokiram me ke kak iang kileledi pwehn ale sawas ohng apwalih ngih, me duwehte Pirokiram en Apwalih Ngih ohng Veteran. Menlau lokaiahng Wasahn Sahpis en OHP de emen Pwihn en OHP nan wasahn kousoan.

- [Wadek Ohng Pirokiram en Apwalih Ngih ohng Veteran](#)

### **Dahme me wiwiawihki?**

[Kosoned en Senate 1538 \(2022\)](#) ruwese Kempahn Roson Mwahu en Oregon en wiahda ehu pirokiram en apwalih ngih ohng tohn COFA me sohte kak iang OHP.

**OHP.Oregon.gov**